

四庫全書

史部

欽定四庫全書

欽定盛京通志卷七十五

國朝人物十一

鑲藍旗滿洲

欽定四庫全書

欽定盛京通志卷七十五

國朝人物 十一

鑲藍旗滿洲

安費揚古姓覺爾察隸鑲藍旗滿洲世居瑚濟寨
父完布祿以樸忠事我

太祖安費揚古克繼父志自弱冠從征癸未年以兵取薩
爾滸城殲其衆甲申年從征兆嘉城瑪爾墩寨皆

親冒矢石為軍鋒丁亥年征討哲陳部攻拔洞城
尋攻杭嘉章嘉尼瑪蘭赫徹穆等城及香潭寨並
在事有功癸巳年從畧哈達富勒嘉齊寨師旋

太祖躬勒兵以殿有敵騎躡我後

太祖還射之殪其前一騎後數騎乘間來犯安費揚古盡
斬之復同額亦都等圍訥殷部佛多和山寨攻下
之己亥年從攻哈達城先登辛亥年從征東海窩
集部破其二路從征烏拉擊達拉穆台吉兵摧其

陣奮勇登城樹大纛于上大軍繼至遂滅烏拉天
命元年七月偕扈爾漢征薩哈連部至烏勒間河
取河南北諸寨八月師次黑龍江江水常以九月
始冰是時中流忽結冰若浮梁約廣六十步安費
揚古曰此天佑我國也策騎先涉衆從之遂取江
北十一寨三年從大軍下撫順明總兵張承廕等
赴援分營為三安費揚古擊其左營大破之遂乘
勝取三岔口諸堡四年從破明經畧楊鎬兵滅葉

赫六年隨取瀋陽遼陽皆著績安費揚古性貞亮有
勇畧與額亦都等俱為開國功臣之首

太祖嘉其驚勇擢一等大臣佐理國事

賜號碩翁科羅巴圖魯七年卒年六十有四子阿達爾岱
見忠節傳達爾岱初授雲騎尉嗣因追叙安費揚
古功晉職一等輕車都尉順治十六年追諡敏壯
康熙五十二年

聖祖念安費揚古為開國勲臣復

賜三等輕車都尉世職令其裔孫明岱分襲

舒賽姓薩克達隸鑲藍旗滿洲生而勇敢天命四年從大軍敗明總兵馬林等於尚間崖尋隨征哈達又征瓦爾喀什皆有功每攻城

太祖愛其勇戒勿先登舒賽益奮勉輒衣綿甲奮身直前先後攻克十六城加二等輕車都尉世職晉爵至三等男

太宗即位擢置十六大臣之列天聰元年從征朝鮮凱旋

率師駐防義州八年從貝勒濟爾哈朗留守

盛京崇德六年以疾卒順治十二年追謚壯敏立碑
墓道子西蘭隨入關追討流賊李自成由陝州克
潼關三戰皆捷又從征江南福建皆有功孫錫特
庫從征明前屯衛及敗李自成於延安追勦至安
陸並著有戰功

武巴海姓瓜爾佳隸鑲藍旗滿洲世居烏拉天命
初從征尼堪外蘭有功授佐領天聰元年從征朝

鮮以二次登城功受賞從征錦州明兵來犯武巴
海殿後力戰敵騎遁走五年同蒙阿圖征瓦爾喀
降其部衆凱旋

太宗郊迎宴勞六年征察哈爾及明旅順口皆破敵紀功
復將兵征烏扎喇俘獲甚多七年往征瑚爾哈部
及瓦爾喀部皆降其屯部奏膚功九年從貝勒岳
託駐歸化城追獲蒙古逃人崇德元年喀穆尼罕部
葉雷等叛去武巴海率兵追之數十日無所見遇

宿雁三射其一鴈負矢而飛墮往取之見賊營遺
火躡其蹤追及之葉雷遁入山武巴海發矢射之
葉雷將注矢有狐起於前觸葉雷弓弓墜遂殪葉
雷并誅其黨

太宗嘉其功超晉三等子
賜衣服僕馬莊田四年卒

喀三姓納喇隸鑲藍旗滿洲先世居葉赫蘓完天
命四年來歸

太祖察其才官以佐領六年從取瀋陽遼陽以功授三等
輕車都尉世職九年明總兵毛文龍遣兵來犯額
駙康果禮與喀三率所部往援斬守備二殲其衆
天聰六年從征察哈爾偕前鋒統領勞薩先驅林
丹汗驚遁八年晉爵三等男以目疾請解職乃以
其子納海代為佐領順治二年

世祖念喀三舊勞晉爵一等男三遇

恩詔晉二等子十二年卒

賜祭葬立碑墓道謚曰敏壯納海既任佐領旋授前鋒叅
領從征大同與同官錫特庫等敗明兵於陽和斬
級二百獲馬六十餘還軍宣府設伏擒其遊騎天
聰九年大軍復征大同偵軍事於上都城與叅領
鄂謨克圖等齎書至明境

諭喜峯口逆西諸邊將及還遇其哨卒俘斬百餘人崇德
二年與錫特庫至廣寧擒錦州哨卒十二斬其九
俘其一縱二人還俾齎書

諭明總兵祖大壽四年從攻松山城祖大壽遣兵赴援自
寧遠乘舟趨杏山將入城納海自後薄斬五十人
獲甲四十及舟一尋畧杏山錦州獲牲畜無算五
年大軍圍錦州納海擊斬其築臺者四十人刈草
者四十二人敗其騎兵三百狗小凌河斬大壽所
遣蒙古十七人自錦州至者六年明總督洪承疇
集援兵於松山

太宗親統師圍之承疇分兵犯前鋒汎納海擊卻之既而

明兵自杏山走塔山納海率衆邀擊追至筆架山斬級四百奪燾六生擒二十八人獲馬二百餘七年錦州下叙功予雲騎尉世職是年冬署前鋒統領從貝勒阿巴泰入黃崖口趨薊州擊敗明將白騰蛟白廣恩兵遂下山東順治中三過

恩詔晉世職至三等輕車都尉及喀三卒應襲二等子併襲為二等伯十七年卒弟納沁襲

沙爾瑚達姓瓜爾佳隸鑲藍旗滿洲世居瑚爾哈

太祖時從其父桂勒赫來歸天命十年從征瓦爾喀部以
功授騎都尉世職天聰元年從攻錦州累戰皆捷
三年大軍征明入紅山口拔遵化州抵北京沙爾
瑚達敗其鄂外兵嗣數率遊騎入明邊往來錦州
松山杏山之間俘獲甚多大凌河之捷也明總兵
祖大壽降請歸錦州為內應既而背其言八年我
太宗遣大臣畧地至錦州且遺書大壽恐不能達
召沙爾瑚達授以方畧令襲取守烽堠卒付之

勅書如無所獲即懸於十三站山坡沙爾瑚達輕騎往未
遇敵懸書而歸九年征黑龍江部及赴錦州偵軍
事還皆獻俘獲崇德元年從征朝鮮敗敵於南漢
山城三年以兵護我往土默特貿易之衆於歸化
城敗明兵於紅山口四年率前鋒兵趨義州入寧
遠北界設伏誘敵擒其樵採者以歸七年討瑚爾
哈部招降喀爾喀木等十屯俘獲無算奏捷受上
賞順治元年征庫爾喀部及黑龍江多斬馘復追

擊流賊李自成於潼關二年隨攻取江寧杭州所
在力戰論功晉一等輕車都尉駐守東昌勦平土
賊五年討叛鎮金聲桓有功六年勦平河間流寇
加世職三等男累遇

恩詔加至一等男七年駐防寧古塔十五年擊敗俄羅斯
兵俘其渠卒十六年卒於鎮追贈太子太保謚襄
壯立碑如例子巴海龍衣

固三泰姓納喇葉赫部長錦台什之族人

太祖時來歸隸滿洲鑲藍旗任佐領尚公主為固倫額駙
從大軍攻廣寧單騎先陷陣身被數創戰愈力

太宗御極擢都統天聰元年從征朝鮮三年從克遵化明
年取永平灤州並有功五年以不能鈴束士卒罷
都統任專管佐領事順治元年卒子明阿圖以佐
領從入山海關殿一軍累官副都統加世職至三
等輕車都尉八年卒

瑚什布亦錦台什之族人也

太祖時來歸隸滿洲鑲藍旗初為佐領尋任侍衛兼叅領
天聰二年從征遼古索爾和部身中七創戰益力
斬其將一叙功授騎都尉世職八年畧大同擊敗
明將祖大弼軍進攻萬全左衛復敗明將曹文詔
軍九年擢都統崇德元年從征明越燕京攻克大
興旋師出邊亡部卒十人部議奪世職罷都統任
復為佐領如故三年授理藩院副理事官順治四
年復騎都尉世職三遇

恩詔晉世職至二等輕車都尉卒

藍拜姓佟佳隸鑲藍旗滿洲由佐領任護軍叅領
天聰八年畧錦州多俘獲崇德四年隨征索倫部
設伏敗其衆拔雅克薩城六年復從圍錦州戰松
山有功任兵部叅政又破洪承疇三營兵調禮部
叅政順治元年入關擊破流賊叙功加世職三等
輕車都尉三年從征湖南克岳州進兵長沙復桂
陽進拔沅州屢著戰功擢都統晉世職二等八年

以都統兼工部尚書轉刑部九年征廣東未定州
縣晉二等男十年鎮守湖南賊黨孫可望等不敢
犯十三年加太子太保致仕康熙四年卒

錫特庫姓佟佳隸鑲藍旗滿洲父努延事

太祖為佐領及卒以錫特庫代之天聰中擢前鋒叅領馳
援耀州卻明兵會明總兵祖大壽修築大凌河城
大軍往攻之明兵出挑戰錫特庫以所部兵進擊
至城濠舍騎而戰甚力尋擊寧遠援兵戰方酣一

卒隆馬錫特庫掖之出前後屢偵軍事畧地至錫爾哈錫伯圖地多斬獲是時濟農為明兵導往訶之錫拉穆倫河以二十人殲濟農百人從大貝勒代善畧大同自陽和轉戰天城衛北趨左衛城設伏赤城宣府為大軍援以功加三等輕車都尉從貝勒多爾袞入平魯衛斬其偵卒與叅領布延覘敵錦州又與前鋒統領勞薩躡明兵於冷口皆有功崇德三年從貝勒岳託進軍牆子嶺密雲兵突

搏戰擊敗之獲巨礮二十餘復敗明總督吳阿衡
兵攻真定追逐明兵至會通河三戰三捷四年偕
前鋒叅領沙爾瑚達畧錦州界六年從鄭親王濟
爾哈朗圍錦州明兵自杏山馳救乃設伏隘口而
督前鋒兵誘戰佯北以致明兵大敗之戰松山破
其二軍明總督洪承疇遁入城躡擊至濠而返復
圍錦州承疇以軍十三萬赴援偕前鋒八叅領迎
戰明總兵王樸等敗走塔山又走杏山錫特庫縱

橫馳擊窮追至筆架山斬四百餘級獲馬二百四十餘大燾六七年克松山城率前鋒兵駐塔山擊敗寧遠兵從貝勒阿巴泰入長城復擊敗寧遠援兵以功晉二等輕車都尉旋合左右翼兵自界嶺口毀邊牆入明薊州總兵白騰蛟率步馳赴桃林關聞我師將攻薊州急還軍合馬蘭峇總兵白廣恩拒戰錫特庫麾衆奮擊陣擒叅將一斬遊擊三獲馬六百餘尋授前鋒統領順治元年從入關破

賊將唐通于一片石未幾奉

命往助都統葉臣軍平定山西抵絳州渡河沉賊船連敗
賊於汾州平陽降賊康元勳於西山寨二年移兵
遂李自成至湖廣之安陸斬四百餘級獲其戰艦
以功晉一等輕車都尉三年騰吉思叛歸喀爾喀
從豫親王多鐸往追之至圖拉河西土謝圖汗碩
雷汗以所部邀戰擊敗之遂北數十里斬獲無算
以功加一雲騎尉屢晉爵至一等男康熙五年卒

年七十

賜祭墓子塞爾固德襲

巴都哩姓沁佳隸鑲藍旗滿洲少從征伐屢有功
以佐領兼任叅領天聰八年大軍征察哈爾巴都
哩為導招降宰桑四人移軍畧大同下其旁近城
堡以歸尋擢護軍統領崇德元年從征朝鮮別將
兵圍南漢山城屢戰皆捷卒下之三年從睿親王
多爾袞征明自密雲東北毀邊牆入越燕京趨山

東克濟南府明年春旋軍出青山口明將以兵襲我後巴都哩戰卻之六年授兵部叅政尋兼副都統八年偕副都統鄂羅塞臣征黑龍江招降圖呼爾禪等城順治元年五月師旋

世祖遣侍郎明安達哩迎勞之叙功授雲騎尉世職十一月擢都統未幾卒無子以從弟杭嘉襲

根特姓瓜爾佳世居尼瑪察父尼努

太祖時率衆來歸官以佐領隸鑲藍旗滿洲天聰中授騎

都尉世職從征瑚爾哈有功加一雲騎尉師旋卒
於軍根特襲職尋任刑部理事官順治元年以署
前鋒叅領從入關討流賊李自成敗賊將唐通於
一片石追勦自成至望都復偕前鋒叅領阿爾布
尼平馬塍口土賊二年叙功晉世職三等輕車都
尉四年授協領駐防西安王光泰叛於鄖陽侍郎
喀喀穆率禁旅征之根特以西安駐防兵會勦破
賊黨甄以鍾於房縣還兵敗賊方國成於谷口六

年總兵姜瓖據大同叛其黨虞允白璋張萬全等
陷平陽蒲州及臨晉猗氏河津諸邑根特從總督
孟喬芳渡河勦賊復蒲州臨津河津進兵平陽白
璋以步騎六千迎戰滎河大破之斬二千餘級逐
賊至黃河乘其將濟薄之溺水死者無算遂斬白
璋殲其潰衆於孫吉鎮移師趨猗氏偽監軍衙登
芳依山結寨與萬全為犄角根特分兵擊斬萬全
移兵轉戰生擒登芳陣斬偽將王國興等三十人

復勦賊聞喜偽都督郭中傑於候馬驛追奔三十里斬獲無算還駐西安九年還京授叅領三遇

恩詔晉世職一等輕車都尉兼一雲騎尉十年偽秦王孫可望與其黨馮雙禮白文選馬進忠等踞武岡寶慶從貝勒屯齊征之自永州趨寶慶賊衆十餘萬扼險而陣我軍進戰方酣根特以驍騎橫擊之賊大敗再敗之武岡賊皆潰去十一年海賊鄭成功遣其黨阮思陳六御陷舟山從大將軍伊勒德勦

敗之衡水洋斬思六御復舟山十二年晉爵三等
男十四年再晉一等十五年擢副都統康熙十六
年進都統列議政大臣二十三年以老病致仕三
十二年卒

賜祭葬諡襄壯子格圖肯襲

達爾岱安費揚古第六子也天聰五年從征明大
凌河守臧家堡臺遇敵兵擊敗之崇德元年

太宗親征朝鮮我蒙古兵往納馬山牧馬敵兵橫截來戰

奮擊敗之尋率兵步進破其二營三年隨征明至
燕京擊敗有功六年我師圍錦州有松山兵來犯
擊却之敵復冒雨來侵我汎地力戰敗其軍嗣錦
州城中兵復突出奮勇接戰并敗其採樵步兵八
年敗明兵於寧遠積功並襲世職至一等輕車都
尉第七弟敦克于順治初入關破賊屢著戰功
都爾德安費揚古之孫也父阿爾岱以功授騎都
尉世職天聰五年從征大凌河歿於陣

卹贈三等輕車都尉見忠節傳都爾德襲職順治元年任
刑部理事官從定燕京豫親王多鐸西征流賊李
自成都爾德署護軍統領以從進兵陝州攻拔其
山巔營設伏潼關屢戰皆捷斬賊無算明年大破
賊將劉方亮遂定西安尋從大軍下江南破明兵
於揚州城北獲戰艦百餘既克南京明福王朱由
崧奔蕪湖截擊之江口其將田雄等縛由崧以降
三年從端重親王博洛平浙江進征福建與前鋒

叅領拜音岱狗建寧延平二府皆下之明唐王朱
聿鍵走汀州偕護軍統領阿濟格尼堪攻其城擒
聿鍵俘其官屬遂定汀州時明桂王朱由榔竊據
湖南分置偽將為十三鎮五年九月鄭親王濟爾
哈朗統師討之都爾德以所部從屢戰皆捷六年
大軍既下沅州偽將王強復引兵來犯偕尚書阿
哈尼堪擊破之斬偽副將三人殲其衆獲馬數千
七年凱旋授護軍統領八年擢為議政大臣先後

叙功並兩遇

恩詔晉爵至一等男康熙三年卒

賜祭葬謚忠襄子錫布襲

遜塔亦安費揚古之孫也崇德中為戶部副理事
官貝勒岳託帥右翼兵征明遜塔以署叅領從道
由墻子嶺擊敗明總督吳阿衡遂越燕京畧山東
師還將出青山口敵躡我後戰卻之敵侵我喀喇
沁營移兵赴援敵潰走六年明總督洪承疇集兵

援錦州列營松山避塔連破其三營承疇兵冒雨
犯我右翼營復戰卻之順治元年以叅領從入關
擊破流賊李自成三年隨肅親王豪格勦張獻忠
於四川過漢中擊敗叛鎮賀珍進兵西充連挫賊
遂殪獻忠五年凱旋兼任刑部理事官尋駐防淮
安六年莒州賊曹良臣掠海州知州張懋勲州同
李士麟遇害避塔偕叅領烏達齊赴援賊遁歸馬
鬻山進兵搗其巢盡殲之移師殄羽山牟山餘賊

尋以戶部侍郎銜理兩淮鹽政駐揚州七年改督
漕運移駐淮安八年還京授副都統十三年擢工
部尚書十七年應

詔自陳罷尚書專任都統是時明桂王朱由榔竄緬甸其
將李定國白文選等分踞益良木邦謀入犯永昌
普洱元江乃與定西將軍愛星阿等率禁旅勦之
明年會師木邦定國文選等皆遁大軍趨緬甸緬
人執朱由榔來獻白文選降乃班師積功晉爵一

等男魚一雲騎尉世襲因替康熙四年卒

賜祭葬諡忠襄

錫納海姓瑚爾哈隸鑲藍旗滿洲世居新達謨父

康喀賚

太祖初率族來歸任佐領事

太宗時為理事大臣歷官副都統錫納海初從睿親王多

爾袞征察哈爾招降林丹汗子額哲以還尋選為

王府護衛崇德三年從睿親王征明越燕京下山

東五年從鄭親王濟爾哈朗圍錦州以勞授二等
護衛會父卒遂代為佐領六年復從鄭親王圍錦
州克其郭明總督洪承疇以兵十三萬來援錫納
海領事杏山擊敗其遊騎擒一人歸已而設伏松
山北以前鋒致明兵夾擊之大捷順治元年從入
關擊敗流賊李自成二十餘萬賊竄走錫納海追
擊之望都多斬馘二年以功授雲騎尉世職遷二
等侍衛六年從鄭親王平湖南凱旋兼任刑部郎

中尋授一等侍衛兩遇

恩詔晉世職至三等輕車都尉十七年擢副都統康熙二
年偕靖西將軍穆里瑪征流賊郝搖旗李來亨等
於鄖襄三年會陝西湖廣四川三省兵勦平之搖
旗授首來亨遁走茅麓山自焚死乃還十年以病
致仕十二年卒年五十有七

賜祭葬以孫道福色襲

巴特瑪姓博爾濟吉特隸鑲藍旗滿洲天命四年

同族人來歸時年尚幼天聰二年以叙歸誠功始授遊擊

太宗諭曰爾在蒙古地方擇地而居今雖在大貝勒屬下然朝夕侍朕左右朕必加恩賚也五年隨證明攻大凌河六年從征察哈爾國並有功崇德元年任都察院理事官累擢蒙古都統隨

太宗征朝鮮

命同譚泰等往攻其京城克之三年隨證明攻密雲先登

叙功賚金銀駝馬五年隨征明圍錦州設伏松山大敗敵兵是夜敵兵來犯我營復擊敗之身受重傷猶力戰不懈六年擊明經畧洪承疇軍在事有功並隨圍錦州七年錦州降駐防錦州八年隨征明至山東大敗明兵攻滌河秦強克之俘獲甚衆順治元年隨入關擊流賊偽總兵唐通軍敗之復追破賊於慶都縣叙功賚金銀累加一等男世職後緣事降一等輕車都尉兼一雲騎尉

博思喜巴特瑪從弟也幼隨父古英和額齊來歸
及長効力行間崇德三年襲職副都統順治元年
隨入關擊流賊李自成有功三年隨豫親王多鐸
追騰吉思擊土謝圖汗兵力戰敗之又與碩雷汗
兵遇復大破其衆四年叙功並三遇

恩詔授一等男世職

達爾珠隸鑲藍旗滿洲早歲効力戎行崇德二年
隨征明攻靈壽奮勇先登克之論功累加三等輕

車都尉世職

布雅哩墨爾根隸鑲藍旗滿洲天命九年來歸以
招撫沙布圖功授備禦天聰九年從征黑龍江俘
獲甚衆叙功加授世職為佐領崇德三年卒

額爾特姓伊拉哩隸鑲藍旗滿洲

國初來歸天聰五年從征大凌河擊敵有功凡攻城
輒先登

太宗嘉其勇順治初三遇

恩詔加三等輕車都尉十四年卒

宜喇哈隸鑲藍旗滿洲早事戎行天聰六年隨征
明至大同攻長安嶺以第二人登城順治初三過

恩詔加三等輕車都尉

阿雅塔隸鑲藍旗滿洲天聰六年隨證明至大同
攻長安嶺以第三人先登順治元年隨入關擊流
賊有功二年從征湖廣流賊一隻虎五敗賊衆四
年授佐領世職

托敏姓穆爾禪隸鑲藍旗滿洲

國初來歸尋從征阿庫哩尼滿有功授備禦世職天聰九年隨征瓦爾喀部俘獲甚衆是年又從征黑龍江以功加三等叅領世職同旗有英格諾亦以征黑龍江功授佐領

博奇姓舒舒覺羅隸鑲藍旗滿洲世居長白山崇德三年隨证明至山東攻濟南以第五人登克其

城

賜號巴圖魯四年授佐領世職六年隨圍明錦州擊敗松
山兵乘其夜遁復擊敗之順治元年隨南征三敗
流賊于潼關二年攻泗州有功尋攻揚州克其城
追明福王朱由崧于蕪湖敗明總兵黃得功之衆
並在事有功三年從追騰吉思大破土謝圖汗等
之兵七年遇

恩詔加二等輕車都尉世職

邁什克隸鑲藍旗滿洲崇德三年隨征明攻墻子

嶺城奮勇先登順治初三遇

恩詔加三等輕車都尉世職

什圖姓舒穆魯隸鑲藍旗滿洲崇德三年隨征明
攻豐縣先登克之

賜號巴圖魯授佐領世職順治元年隨入關擊流賊有功
七年加三等輕車都尉十二年卒

阿延達姓赫舍哩隸鑲藍旗滿洲崇德三年隨征
大同攻長安城以第三人登順治元年從入關擊

敗流賊二年破流寇一隻虎于湖廣尋叙功累遇

恩詔加三等輕車都尉

哈爾哈濟姓瓜爾佳隸鑲藍旗滿洲崇德五年從

征明圍錦州明兵夜犯我營大敗之順治初三遇

恩詔加三等輕車都尉

覺羅頁穆濟隸鑲藍旗滿洲

景祖三世孫也初以軍功得世職尋緣事革崇德三年隨

征明至山東攻靈壽先登克之四年論功加優叙

成武爾岱姓佟佳隸鑲藍旗滿洲崇德六年從征
明圍錦州敵兵據山迎戰奮擊敗之明經畧洪承
疇軍犯我右翼又力戰却之順治元年隨入關衝
鋒先入賊陣復追賊至慶都大殪其衆二年叙功
授佐領世職

郎什姓馬佳隸鑲藍旗滿洲初以軍功授佐領世
職崇德八年隨征黑龍江有俘獲又從征冊延哈
達以奮勇衝陣口目被傷順治二年叙功加二等

叅領世職

珠成額姓趙佳隸鑲藍旗滿洲崇德八年隨征明
攻祁州奮勇先登拔之

賜號巴圖魯授佐領世職順治元年隨入關擊流賊有功
嗣遇

恩詔加一等輕車都尉同旗有岱蕪蘭亦以崇德八年從
征明至山東攻曹州拔之

賜號巴圖魯授佐領順治初加一等輕車都尉

恩什特隸鑲藍旗滿洲崇德八年從征明攻薊澤
奮勇先登拔其城

賜號巴圖魯授佐領世職順治元年隨入關擊流賊有功
又隨征山西攻太原大敗賊衆論功嗣遇

恩詔加一等輕車都尉同旗有德祿亦以崇德八年隨征
明至山東攻平陰奮勇先登拔之

賜號巴圖魯授佐領世職

南泰姓佟佳隸鑲藍旗滿洲崇德八年隨征明攻

定州先登因無繼者被敵所傷力戰不稍却竟克其城死而復甦錄其功順治初累遇

恩詔加三等輕車都尉世職同旗有阿爾卓於崇德八年

從征明至山東攻定陶以第一人登嗣加世職騎都尉又同旗有蘓班於崇德八年隨征明至山東攻平陰以第二人登叙功順治初遇

恩詔加三等輕車都尉世職

欽定盛京通志卷七十五

欽定四庫全書

史部

欽定盛京通志卷七十六

少詹事_臣曹城覆勘

總校官編修_臣朱鈐

欽定四庫全書

欽定盛京通志卷七十六

國朝人物 十二

鑲黃旗蒙古

正黃旗蒙古

正白旗蒙古

正紅旗蒙古

鑲白旗蒙古

鑲紅旗蒙古

正藍旗蒙古

鑲藍旗蒙古

欽定四庫全書

欽定盛京通志卷七十六

國朝人物 十二

鑲黃旗蒙古

西喇巴雅爾姓布庫特隸鑲黃旗蒙古世居扎嚕
特初任佐領崇德三年從貝勒岳託入牆子嶺趨
山東明太監馮永盛以兵邀戰擊敗之明年春旋
師過三屯營敵扼險以拒相持七晝夜乘其懈擊

之皆潰順治元年以叅領從入關擊敗流賊李自成二年從郡王阿巴泰鎮守山東旋與都統準塔等進師淮安屢敗明兵其潰衆竄據海中雲臺山往勦平之三年從肅親王豪格討流賊張獻忠道出西安敗賊將高汝礪等於秦州階州乘勝抵四川殲獻忠於鳳凰陂五年凱旋擢副都統先後叙功復遇

恩詔加世職至一等輕車都尉兼一雲騎尉十八年卒孫

卓特博襲

都爾瑪姓錫納明安先世居喀喇沁地

太祖時來歸隸鑲黃旗蒙古天聰二年從貝勒岳託攻錦

州有俘獲五年從圍大凌河城城中兵出戰奮擊

敗之八年從內大臣多爾濟畧大同敗明總兵曹

文詔軍文詔善用矛明季驍將無出其右者既捷

第都爾瑪功最

賜號巴圖魯尋授佐領崇德六年大軍攻錦州明總督洪

承疇以兵十三萬來援列營松山我師分左右翼
截擊之都爾瑪超伍先進破其營屢敗其兵於杏
山塔山間承疇軍數挫血又糧餉將匱其將吳三
桂王樸謀引兵遁都爾瑪從內大臣錫翰設伏高
橋襲擊之斬獲無算遂圍松山城明兵潰圍出犯
我營都爾瑪力戰却之叙功授三等輕車都尉世
職順治二年晉爵三等男其後疊遇

恩詔晉至二等子授內大臣康熙三年卒

賜祭奠諡忠直以其孫齊什襲

翁愛姓卓爾古特世居科爾沁

太宗時來歸隸鑲黃旗蒙古授佐領崇德二年偕佐領喀

凱舒書等征瓦爾喀俘獲甚衆四年率所屬分屯

義州督耕勤所獲糧獨多七年從貝勒阿巴泰征

明越燕京至山東攻莒州城先登順治元年大軍

入關討流賊翁愛以署副都統督後隊兵尋勦賊

將陳永福於太原翁愛以兵薄城賊突出犯擊却

之二年從英親王阿濟格征陝西敗賊綏德州賊
渠李自成遁湖廣復躡擊之斬獲無算三年授禮
部理事官兼前鋒叅領從肅親王豪格征流賊張
獻忠過陝西擊敗叛鎮賀珍於雞頭關進兵四川
三戰皆捷先後叙功並兩遇

恩詔晉一等輕車都尉九年擢副都統十五年卒
賜祭葬如例弟特澤襲

多爾濟達爾罕姓博爾濟錦世居翁牛特為察哈

爾部大臣天聰八年攜族屬來歸隸鑲黃旗蒙古
崇德元年授一等男任都察院承政三年更定官
制改都察院叅政六年明總督洪承疇以八鎮兵
援錦州軍於松山大軍合攻之明兵潰走杏山都
統阿賚伊拜等截擊其潰衆多爾濟達爾罕往監
戰核所俘馘還報稱

旨尋擢內大臣兼叅政七年

太宗幸牧馬所

命內大臣侍衛與降將祖太壽等校射多爾濟達爾罕發
矢輒中得

恩賚從貝勒阿巴泰征明自薊州至山東所至輒捷順治
二年加一雲騎尉四年考滿晉爵三等子復擢都
察院承政七年三月解院事仍為內大臣尋列議
政大臣三遇

恩詔晉一等子兼一雲騎尉十七年卒

賜祭葬謚順僖子博第襲

阿什岱姓撥龍隸鑲黃旗蒙古天聰三年隨征明
攻威縣先登克之

賜號巴圖魯授佐領世職順治元年隨豫親王多鐸南征
破流賊平定河南七年九年兩遇

恩詔加世職一等輕車都尉十五年從征貴州有功十六
年勦海賊鄭成功于瓜洲破其衆叙功授三等男
卒

固慕德徹臣隸鑲黃旗蒙古天聰六年來歸授三

等總兵官崇德三年隨貝勒岳託征明攻高陽奮
勇先登克之叙功累加世職三等子康熙六年卒
賜祭葬如典禮

布伊錫哩姓鄂爾克特隸鑲黃旗蒙古崇德七年
隨圍錦州擊松山敵兵敗之順治三年隨肅親王
豪格征四川屢敗賊渠張獻忠之衆及賊平俱在
事有功七年九年兩遇

恩詔又叙功加世職二等輕車都尉十三年任護軍統領

康熙十二年加太子少傅十三年卒謚壯果

羅什隸鑲黃旗蒙古初任佐領崇德七年從貝勒阿巴泰征明擊三河西馬步兵有功順治元年從睿親王多爾袞入關擊流賊以步戰突陳論功授三等輕車都尉七年九年兩遇

恩詔加一等輕車都尉十八年擢副都統隨征雲南卒
賜祭葬如典禮

賴護隸鑲黃旗蒙古崇德時屢從征伐有功累擢

至副都統順治元年從入關十一月從豫親王多鐸南征破流賊平定河南江南並有功加佐領世職七年加一騎都尉

多鐸和姓博爾濟吉特隸鑲黃旗蒙古初任佐領天聰二年隨證明景州有俘獲崇德五年再圍錦州敗松山杏山援兵七年圍錦州復敗明松山援兵又敗明經畧洪承疇軍屢以善戰有功授佐領世職又隨征薩哈連烏拉部多俘獲順治元年隨

入關破流賊平定河南三敗賊於潼關二年征杭州屢克捷三年從征騰吉思敗土謝圖汗等之衆七年九年疊遇

恩詔加世職一等輕車都尉卒

阿雅齊姓烏朗哈隸鑲黃旗蒙古以人戶來歸授遊擊世職天聰三年隨征明燕京同武賴敗明兵于盧溝橋南復敗之於涿州崇德三年從征山東與明兵連戰七晝夜屢有功五年征明錦州擊松

山兵敗之順治元年從入關擊流賊追敗之慶都
叙功疊遇

恩詔加世職二等男卒

額對姓博和羅特隸鑲黃旗蒙古崇德三年從征
明攻安肅以第二人登六年圍錦州擊明兵敗之
八年征明山東攻克州以第四人登加授三等叅
領

賜號巴圖魯將旋師復擊敗明兵於邊順治元年從入關

敗流賊於慶都復鞫馬山口土賊盡殲之論功再
遇

恩詔加世職三等男卒

庫碩姓圖克齊納喇隸鑲黃旗蒙古崇德三年隨
征明山東攻恩縣先登克之累加世職至三等輕
車都尉

克什圖姓錫拉隸鑲黃旗蒙古初任佐領崇德三
年從征明山東屢敗敵兵攻濰縣先登克之順治

元年從入關擊流寇有功加世職弟克什特別見
忠節傳

衮綽斯姓烏朗哈隸鑲黃旗蒙古崇德三年從征
明擊通州兵敗之又敗明追兵於董家口五年七
年隨圍錦州皆在事有戰功八年征明山東破八
總兵援師累戰皆大捷得

優賚累加世職三等輕車都尉

綽爾們姓喀爾諾特隸鑲黃旗蒙古初係察哈爾

阿濟格宰桑率族來歸崇德六年隨圍錦州敗明
經畧洪承疇三營步兵又敗其松山援軍順治三
年隨征蘇尼特部騰吉思等在事有功授副都統
加一雲騎尉子隆古順治初從征廣東著有軍功
布勒姓噶濟特隸鑲黃旗蒙古崇德七年隨圍明
錦州紀勲二次八年從攻明山東臨清州奮勇先
登克之

賜號巴圖魯授世職佐領順治元年從入關擊流賊步戰

有功累加世職至一等輕車都尉

奇拜姓噶齊特隸鑲黃旗蒙古崇德七年從圍明錦州以步戰有功八年征明山東從攻兗州先登克之

賜號巴圖魯論功授佐領世職順治初復以擊流寇有功進秩同旗有博勒姓鄂爾圖特亦以崇德八年從攻明山東蒙陰先登克其城

賜號巴圖魯順治初累加世職二等輕車都尉

海什姓克錫克特隸鑲黃旗蒙古崇德八年從攻
明直隸安肅先登克之

賜號巴圖魯授佐領世職順治元年追敗流賊於慶都復
有功進秩同旗有敏安崇德時隨征明山東攻兗
州德州皆先登陷陳又有阿爾賽從攻明直隸威
縣先登並授三等輕車都尉

拜思噶爾姓烏朗哈隸鑲黃旗蒙古崇德八年從
征明山東屢戰有功嗣遇

恩詔加二等輕車都尉

武塔齊姓鄂爾克特隸鑲黃旗蒙古崇德八年從
征明山東攻莒州奮勇先登克之叙功授佐領世
職

德根姓濟默隸鑲黃旗蒙古世居義州順治五年
從征江西叛鎮金聲桓攻南昌先登授騎都尉十
年從征廣東破李定國軍以功兼雲騎尉

正黃旗蒙古

阿岱姓鄂爾果諾特世居喀爾喀歸我

太祖隸正黃旗蒙古授三等輕車都尉世職天聰時授叅
領駐防伊蘭布哩瑚巡檄海濱猝遇明兵擊斬千
人擒一遊擊以歸明水師千餘犯海州復率兵三
百馳擊之多斬馘撤防還

太宗親賜酒勞之晉二等輕車都尉累遷至都統隨貝勒
代善自喀喇鄂博攻得勝堡殪守卒殆盡崇德初
隨武英郡王阿濟格攻克定興寶坻諸城設伏擊

三屯營援兵盡殲之

太宗親征朝鮮阿岱樹雲梯薄城先登其王李侗棄城遁
三年隨具勒岳託攻牆子嶺明總督吳阿衡以六
千人來援負嶺立營分軍三隊列械而陣阿岱潛
率奇兵踰嶺繞其後奮呼踰阿衡營大軍復直前
夾擊之覆其軍功最四年卒孫巴琅勇敢善戰順
治十一年靖南將軍珠瑪喇討偽晉王李定國於
廣東巴琅以叅領從時定國寇新會我軍自三水

馳擊賊大潰定國復糾步騎四萬分踞山谷巴琅
陟險薄賊營鏖戰馘賊甚衆叙功晉爵二等男十
三年卒巴琅弟托班從征逆藩吳三桂擊敗賊將
譚洪於陽平關乘勝抵朝天關擊敗賊將石存禮
連破其木城進征保寧賊將吳之茂斷我餉道托
班連矢殪賊賊皆潰走又擊賊將王屏藩於郿領
龍潭驛叙功晉爵一等男三十三年卒

哈岱姓烏密隸正黃旗蒙古父巴賚都爾莽奈初

為察哈爾大臣及林丹汗敗奔唐古特乃率戶口
來歸授一等男從征明越燕京下山東從攻寧遠
錦州戰松山杏山間屢戰有功再攻錦州中流矢
歿於陳

卹贈三等子越明年以哈岱襲爵哈岱年十七時隨其父
攻寧遠父所乘馬蹶哈岱不及介馳入陳擁父乘
其騎以出

太宗聞而嘉之

賚子甚厚至是襲爵從大軍征明敗敵密雲進攻易州順德克之遂畧地至山東臨清順治元年從定燕京二年大軍既平江南從貝勒博洛征浙江敗敵於海寧進定杭州師還得

恩賚三年從豫親王多鐸追勦騰吉思擊敗土謝圖汗兵及碩雷汗兵四年進二等子六年從英親王阿濟格討大同叛鎮姜瓖屢戰皆捷多斬獲十二年閩賊鄭成功據金門廈門兩島縱橫海上遣其黨阮

思陳六御陷浙江之舟山哈岱從大將軍伊勒德
往勦之十三年進師定海思等列戰艦於蛟門大
敗之逐北至衡水洋連斬思六御俘其餘黨舟山
平十四年晉一等子康熙四年擢為內大臣明年
以討逆藩吳三桂往徵喀喇沁翁牛特蘇尼特諸
部兵移駐大同河南兗州十九年卒年六十有三
賜祭葬謚勤壯立碑墓道孫阿喇納襲雍正元年追錄巴
賚都爾莽奏功入祀昭忠祠

阿賴姓莽努特世居喀爾喀

太宗時挈族來歸隸正黃旗蒙古嘗奉使阿祿部招降其部長率其部人俱至

上以為能

賜號達爾漢既而降人有叛去者率兵五百窮追之閱數月乃得斬倡叛者四人盡俘其衆以還征喀穆尼罕部擒其部長葉雷獲戶口牲畜無算崇德元年授一等輕車都尉兼一雲騎尉世職加號庫魯克

達爾漢三年授禮部右叅政四年擢都統六年大
軍圍錦州明總督洪承疇自松山來援阿賴設伏
杏山邀擊之擊滅甚多尋攻松山城承疇遣兵二
千迎戰阿賴沿壕縱擊殪其軍鋒敵將敗退入城
大軍扼之不得入遂皆棄甲降順治元年偕都統
葉臣平定山西三年從豫親王多鐸追勦騰吉思
將及賊反鬪降阿賴分兵繞出其後潰遁截擊
之擒斬甚衆五年偕尚書武達海駐漢中防勦叛

鎮姜瓖六年瓖黨姚舉等陷忻州賦賴馳兵赴援
破賊石嶺關進復忻州賊平乃班師三遇

恩詔晉世職為二等男九年駐防西安尋還京以老疾解
都統任康熙十二年加太子太保十七年卒

賜祭葬謚襄武立碑墓道以其從孫高良襲

伊勒都齊姓莽努特世居察哈爾

太宗時來歸隸正黃旗蒙古尋授護軍叅領天聰八年畧
地宣府率所部攻下十二堡崇德五年屯田義州

敗明騎兵於寧遠六年從圍錦州借護軍統領濟
什哈擊却松山援兵八年從入關敗衛城先登叙
功授雲騎尉世職順治元年從入關敗流賊李自
成再敗之望都是年冬署護軍統領從豫親王多
鐸勦自成於陝西薄潼關賊將劉方亮乘夜襲我
營伊勒都齊與護軍統領圖賚奮擊之大破敗遂
克潼關二年移師定江南攻克揚州尋從貝勒博
洛下浙江敗明將王之仁於平湖逐北至太湖獲

其舟數十大軍進定杭州屢以功晉世職為三等
輕車都尉三年騰吉思叛奔喀爾喀從豫親王追
之既及大軍擊之潰與都統阿賚伏兵截擊其潰
衆遂徇圖拉河而西喀爾喀部衆連出邀戰大敗
之獲馬駝無算以功晉二等輕車都尉六年從鄭
親王證明桂王朱由榔於湖南時由榔將王進才
袁宗第郝永忠等分據沅靖間伊勒都齊進兵武
岡破進才寨九宗第寨五分兵追勦永忠下黎平

遂北至永從縣多所斬獲七年凱旋八年擢副都
統九年兼任刑部侍郎三遇

恩詔晉爵至二等男十年十一月以勘佐領敦達哩獄不
當坐降爵一等罷侍郎任十七年以疾解副都統
任康熙十二年加太子少師是年冬逆藩吳三桂
反以衆犯湖南順承郡王勒爾錦率師討之以伊
勒都齊贊其軍務簡精銳先發十三年次荊州賊
陷常德府將窺湖北遂移兵防守武昌十六年卒

於軍十九年追論守武昌時不殲虎渡口賊致陷
太平街降世職為雲騎尉以其從子瑪塔襲

額爾格勒珠爾姓博爾濟吉特隸正黃旗蒙古先
世居克魯倫地天聰中偕其兄竒塔特偉徵來歸
竒塔特偉徵官前鋒統領戰於大凌河陣沒

卹贈三等男別見忠節傳額爾格勒珠爾素驍勇崇德三
年從大軍征明越燕京南山東明兵犯前鋒叅
領錫特庫營率所部馳救大破明兵六年從圍錦

州城中兵出戰擊却之復敗其松山援兵順治元年從入關敗流敗李自成叙功予騎都尉世職遇恩詔加一雲騎尉卒無子以從子察琿襲

鄂本岱姓曼靖隸正黃旗蒙古世居喀爾喀天命六年來歸七年從征明克廣寧以功授輕車都尉世職天聰元年從攻錦州等處有功二年從征察喀爾多羅特部落率精銳二百連敗敵敵回兵死戰衆却鄂本岱躍騎突前勝之論功加一等輕車

都尉擢都統三年隨征明方入邊遇敵兵五路來犯率兵擊敗之並斬其渠師遂拔大安口及自遵化回兵敵衆四面環追鄂本岱迎斬其驍將一敵潰乃殿以還敘功加至三等男五年從圍大凌河城復以功得

優賚九年卒

訥們隸正黃旗蒙古本名揚天聰五年七月

太宗親征大凌河掘壕困之城內兵出戰揚由

太宗御前突入敵陣擒降明之蒙古一人隨擊明錦州兵
與弟圖默特從纛前衝入敵陣敗之直抵其步營
其弟中箭墮馬揚援出之又往攻錦州多俘獲回
至邊外六十餘里遇明兵揚奮勇殺入陣復勝之
俘獲無算加授遊擊世職九年

賜名達爾漢哈丹巴圖魯先是我圖使臣遇賊五人欲害
之因是奔阿魯揚追至興安嶺盡殺之因

賜是名行師令居前從獵令居中初布哈等率師畧明寧

遠地為明兵所困時揚已先行還擊破之論功得
優賞順治四年緣事除

賜名及原職嗣疊遇

恩詔仍加授二等輕車都尉

文程姓嘉噶穆克隸正黃旗蒙古

國初來歸天聰三年擢副都統從征明至通州敗明
經畧盧象昇兵多斬獲崇德六年從征明圍錦州
敗明經畧洪承疇兵順治二年加佐領世職七年

九年疊遇

恩詔加三等輕車都尉卒

多格申姓克濟特隸正黃旗蒙古天聰六年我師
證明至大同多桑申來歸是年征察哈爾以多格
申為鄉導前驅有功又以說降征逃之台吉等援
佐領世職順治七年九年疊遇

恩詔加二等輕車都尉任副都統康熙八年卒

蘇朗姓烏朗堪隸正黃旗蒙古崇德二年同族人

蘇布第來歸授佐領世職仍管喀喇沁佐領事兼
任叅領三年隨征明燕京擊敵有功六年從明征
圍錦州擊敗杏山騎兵我軍圍松山時有明步卒
來犯壕塹擊敗之順治元年隨入關以步戰擊敗
流寇二年叙功超授二字叅領世職六年任正黃
旗滿洲副都統七年九年疊遇

恩詔加三等男康熙十三年逆藩吳三桂反以副都統鎮
守池州閏三月三桂賊黨犯荊州

命蘇朗赴援合勒至湖廣卒於軍

阿爾薩朗隸正黃旗蒙古初名們都天聰九年從
征明攻松山遇明總兵祖大壽兵來戰們都以四
十七人擊殲之至錦州復大捷

太宗嘉其勇賜名阿爾薩朗授三等叅領世職順治元年
隨定山西五年從征太同叛鎮姜瓖有攻及凱旋
遇

恩詔加世職二等輕車都尉

博羅克姓果爾羅特隸正黃旗蒙古本察哈爾部
人

太宗時率族來歸崇德八年隨證明至山東在事有功順
治元年隨入關擊破流寇有功五年隨征江西叛
鎮金聲桓屢敗賊衆至南昌之東江獲其糧十三
艘大敗賊衆以功三遇

恩詔加世職二等輕車都尉

布雅泰隸正黃旗蒙古崇德三年從證明至山東

攻臨清先登克之順治元年入關擊流賊復有功
加授佐領世職

巴圖隸正黃旗蒙古初任佐領崇德六年隨圖錦
州時明經畧洪承疇騎兵奪我兵巨駁巴圖隨副
都統幹都擊敗之又擊敗寧遠兵於城下順治元
年隨入關追擊流寇於慶都大敗之二年正月連
敗流寇於潼關五月進師江寧獲其戰艦三百餘
三年隨征福建敗賊于建寧論功及兩遇

恩詔累加世職至騎都尉加一雲騎尉十二年卒

昂阿姓阿穆哈爾努隸正黃旗蒙古崇德二年自

巴林來歸

太宗嘉之授一等侍衛隨征朝鮮三年從征明攻昌平州
等處俱在事有功授佐領世職順治十六年卒

額爾岱姓博爾濟錦隸正黃旗蒙古崇德三年使
征明山東攻長清先登以功授佐領世職是後也
同旗有和爾哲亦以攻長清先登有功

賜號巴圖魯授佐領世職

阿敏隸正黃旗蒙古崇德六年隨征明圍錦州遇
明經畧洪承疇兵於松山阿敏衝入敵陣繫敗之
順治元年入關擊流賊以步戰追敗之慶都論功
授佐領世職三遇

恩詔累加至二等輕車都尉

巴達隸正黃旗蒙古崇德八年隨征明攻前屯衛
先登順治元年入關擊流寇有功七年九年疊遇

恩詔累加世職三等輕車都尉同旗有諾敏崇德八年從
征明攻趙州先登

賜號巴圖魯累加世職二等輕車都尉

正白旗蒙古

武訥格姓博爾濟吉特隸正白旗蒙古先居葉赫
國初來歸從征烏拉布占泰力贊進戰遂滅烏拉天
命十一年別將兵擊明華島破之盡殲其衆天聰
三年從征明入龍井關克遵化進營於京城北

明督師素崇煥等援師至左翼蒙古兵先進少却
武訥格等復進戰始敗之

太宗取蒙古諸貝勒所俘獲物以半與之令分賞進戰將
士其冬統兵征察哈爾降二千戶五年復從征明
時祖大壽守大凌河城杏山守將與之書有攜軍
士棄城或單騎潛來之語武訥格獲以獻於是大
軍圍城為久困計武訥格率本旗蒙古兵圍城東
南偏明兵欲突圍出擊敗之城內兵不敢復出七

年攻明山海關歸明兵來襲武訥格殿力戰却之
太宗嘉之曰人臣為國義當如是叙功封三等公八年率
蒙古左翼兵與諸貝勒俱進獨石口尋以武訥格
為蒙古兩翼主帥自得勝堡收蒙古之逃入陽和
者四百七十人武訥格性聰明通蒙古文及漢文
驍勇善戰所至有功九年卒

賜祭葬如典禮

德穆圖武訥格子也初任佐領從征伐即有功崇

德三年正月擢戶部承政七月改右叅政四年兼副都統六年從鄭親王濟爾哈朗圍錦州有蒙古諾木齊父子者初降明居州之外郭及是約降於我為明將所覺以兵防之不得出鄭親王令德穆圖往援援其子阿桑吉出而不力援諾木齊乃罷叅政及其兼職專任以佐領七年從貝勒阿巴泰征明自薊州薄燕京長驅至山東順治元年從入關破流賊李自成追擊至望都叙功授騎都尉二

年從豫親王多鐸擊敗流賊李自成於潼關移師定河南遂下江南敗明將鄭鴻逵於瓜州又偕都統瑪拉希徇常州明將黃蜚以舟師迎戰再敗之旋分兵攻宜興崑山並克之叙功加一雲騎尉復任副都統三遇

恩詔晉一等輕車都尉世職九年卒子霍達襲

齊墨克圖德穆圖仲弟也早歲屢從行陣崇德三年偕叅領沙爾瑚達畧寧遠界敗明兵於紅山口

斬其裨將二初齊墨克圖兄弟三人季日廣泰其
父武訥格累爵至三等公既卒以廣泰襲至是坐
違軍令奪爵明年

命齊墨克圖降襲為一等男巡哨至錦州明將引五百人
來拒擊走之獲馬六十奪其大纛而還大軍三圍
錦州齊墨克圖皆在事有功八年偕護軍統領阿
爾津哈寧阿等往征黑龍江攻克都里屯招降大
噶爾達蘇小噶爾達蘇乃能吉爾三屯俘獲無算

賜豐貂銀幣尋擢副都統順治二年以入關破流賊功加
騎都尉併授三等子三年從將軍和洛會討陝西
賊賀珍分兵破其黨劉文炳於蒲城珍遁走武功
追擊之斬獲甚衆五年卒以其子薩哈納襲騎都
尉仍爵廣泰為一等男

明安達哩姓錫嚕特隸正白旗蒙古世居科爾沁
父博博圖

太祖時率七十餘戶來歸授為佐領天聰元年從征錦州

歿於陣贈三等輕車都尉以明安達哩襲兼管其
佐領事崇德三年進護軍叅領從貝勒岳託征明
毀密雲東北邊牆入擊敗明太監馮永盛兵攻下
南和六年從圍錦州擊敗其山巔兵及松山援兵
我師浚長壕架橋其上為久駐計明兵出城奪橋
戰却之明總督洪承疇以兵十三萬來救力戰敗
其三營晉二等輕車都尉七年冬從貝勒阿巴泰
克薊州薄燕京破明總督趙光汧軍蹂其步卒於

三河進畧山東八年春師還明將張登科和應薦
合八鎮兵邀戰於螺山擊潰之登科應薦敗沒又
偕都統鰲邦破明總督范志完軍是年推禮部叅
政兼副都統順治元年從入關敗流賊李自成二
年從英親王阿濟格勦賊延安七戰皆捷徇鳳翔
而東招降三十餘城三年改兵部侍郎會蘇尼特
部騰吉思與弟騰吉特叛走喀爾喀從豫親王
多鐸追及於額克特山大破之斬其台吉茂海獲

其輜重並擊敗土謝圖汗及碩雷汗兵五年擢都
統七年兼任兵部尚書先後叙功並遇

恩詔晉爵至一等男九年列議政大臣晉二等子十年與

安鎮總兵任珍擅殺事覺坐徇隱罷尚書任降一
等輕車都尉兼一雲騎尉十一年征俄羅斯敗敵
黑龍江十三年起為理藩院尚書十五年以安南
將軍駐防荊州十六年海賊鄭成功犯江寧聯結
蒙幢千餘泊三山峽安達哩率所部赴援總督

郎廷柱總管喀喀穆開神策弓夾擊之賊大潰陣
擒其大將獲戰艦器械無算成功竄入海尋移駐
浙江舟山以防成功十七年還京授兵部尚書康
熙三年加太子太保六年遷吏部尚書以疾致仕
八年卒

賜祭葬謚敏果子都克襲

額琳齊岱青姓博爾濟吉特初為哈察爾部宰桑
天聰六年大軍征察哈爾林丹汗奔土默特旋竄

唐古特其部人無所屬皆散走蒙古諸部額琳齊岱青知我

太宗為真主欲挈其族內附明年

太宗親統師征大同凱旋出尚方堡額琳齊岱青約部人多爾濟塔蘇爾海率七百戶來從歸分隸蒙古白旗崇德元年爵以二等子三年從睿親王多爾袞入青山口越燕京趨山東每戰輒捷六年鄭親王濟爾哈朗圍錦州明兵自松山一再來犯劫我巨

礮擊卻之明總督洪承疇集步騎十三萬援錦州
列營松山我兵連破其步卒三營額琳齊岱青皆
在事有功七年晉爵一等子世襲罔替八年卒以
其子札木素襲

色爾格克姓博爾濟吉特隸正白旗蒙古天聰時
積軍功為一等侍衛崇德時從圍朝鮮國王李倬
遁南漢山城移師攻之奮勇登山中重創從圍錦
州者再屢以少勝衆擒斬其梟將勇敢為一軍冠

明總督洪承疇軍松山以援錦州我軍鑿壕圍之
明兵屢欲突圍出輒為所擊退從貝勒阿巴泰征
明越燕京薄臨城進師山東攻青州戰俱力順治
中晉爵至二等男任內大臣康熙十二年加太子
少保二十年卒

賜祭葬如禮孫錫札保襲

棟和羅隸正黃旗蒙古天聰八年授佐領世職從
征烏蘇嚕烏拉有俘獲崇德五年征明圍錦州在

事有功順治元年以副都統率後隊入關四年任
禮部理事官考滿加世職三等叅領七年九年疊
遇

恩詔加世職一等輕車都尉兼一雲騎尉十六年卒

賜祭葬謚勤僖立碑紀績

阿蘭隸正白旗蒙古崇德初來歸管佐領事授佐
領世職三年從征明擊敗明兵於邊境六年從攻
松山有功順治二年從征流賊於延安綏德等處

屢戰皆捷加世職三等叅領四年卒

瑪希隸正白旗蒙古崇德初來歸五年從征明松
山屢立戰功順治三年從肅親王豪格破張獻忠
平四川論功並遇

恩詔加世職一等輕車都尉

噶尼隸正白旗蒙古崇德三年從征明攻霸州先
登

賜號巴圖魯授佐領順治二年從征流賊有功加世職三

等叅領

武格碩隸正白旗蒙古崇德三年從征明山東攻
利津先登

賜號巴圖魯授佐領世職順治二年從征流賊衛天命於
黃羅山俘其衆六年蘭州徇民叛從貝子屯齊討
平之十一年從征廣東破偽晉王李定國之衆於
新會論功累加世職一等輕車都尉加一雲騎尉
蘇祿克隸正白旗蒙古管佐領崇德三年從征明

攻南和先登順治元年從入關擊流賊有功七年
九年疊遇

恩詔加世職三等輕車都尉同旗有興那噶爾亦以崇德
三年從征明攻博興先登

賜號巴圖魯累加世職二等輕車都尉

正紅旗蒙古

恩格圖科爾沁蒙古世居哈達

太祖時來歸隸正紅旗授佐領駐防伊蘭布里瑚明兵犯

海州率兵三百擊走之天聰三年入大安口下遵
化越薊州而西徇三河攻順義明大同總兵滿桂
赴援敗之桂奔燕京遂自通州渡河薄京城戰永
定門外桂陣歿明年還軍過遵化破侍郎劉之綸
軍於娘娘廟山戰皆力功最八年授三等輕車都
尉世職擢兵部叅政考滿晉世職二等進都統崇
德元年武英郡王阿濟格入喜峯口設伏三屯營
敗明兵而殲之二年大軍征朝鮮恩格圖並在軍

中三年從貝勒岳託進兵密雲距牆子嶺五里率
先越高峯下擣明總兵吳阿衡營阿衡敗死五年
從鄭親王濟爾哈朗圍錦州分兵攻松山城城中
兵夜襲我營督所部戰卻之六年明總督洪承疇
以兵十三萬援錦州駐於松山連營抵乳峯山勢
張甚大軍浚濠築壘以持久困之恩格圖更番戍
守卒擒承疇順治元年從入關敗流賊李自成二
年叙功晉一等輕車都尉兼一雲騎尉復從豫親

王多鐸破流賊於潼關賊夜犯正黃旗營恩格圖
往禦之俘斬甚衆前後凡四戰皆捷移師征江南
敗明將鄭鴻逵於瓜洲乘勝下浙江大破敵於錢
塘獲舟三十五攻取嘉興府及崑山縣二城三年
晉爵三等男從征福建招降府二縣十三遣將協
擊偽帥吳凱攻克分水關進勦海賊於南靖破其
衆七千皆有功四年晉二等男尋進一等五年征
江西叛鎮金聲桓卒於軍子額勒濟圖幼以兄子

克什圖襲十八年別授克什圖騎都尉職而以額勒濟圖襲一等男

烏爾哲圖姓卓科隸正紅旗蒙古崇德三年從征明山東攻昌邑先登叙功授雲騎尉

薩拜姓哈勒齊塔特隸正紅旗蒙古初任佐領崇德六年隨征明圖錦州有克敵功順治元年從入關擊流賊有功七年九年疊遇

恩詔累加世職二等輕車都尉

達賴隸正紅旗蒙古崇德八年隨征明山東攻新城先登

賜號巴圖魯授雲騎尉

鑲白旗蒙古

綽拜姓巴林世居葉赫

太祖時來歸隸鑲白旗蒙古尋管佐領事天聰中征瓦爾喀部深入額赫庫楞及額埒岳索多所俘獲崇德三年以戶部理事官從睿親王多爾袞征明入

青山口越燕京畧山東直抵濟南先衆奮擊克其
城七年圍明總督洪承疇於松山承疇遣兵乘夜
越濠犯鑲黃旗營綽拜擊卻之墜濠死者甚衆順
治元年從入關五年大將軍譚泰討江西叛鎮金
聲桓綽拜以叅領從克復饒州南昌七年任倉場
侍郎八年改副都統尋兼工部侍郎擢都統屢論
功復遇

恩詔晉爵至一等男九年十二月卒

賜祭葬立碑墓道於齊墨克圖襲

阿爾沙瑚姓幹三初為察哈爾林丹汗護衛天聰
六年

太宗征察哈爾林丹汗竄奔唐古特阿爾沙瑚率所屬四
十餘戶來歸隸鑲白旗蒙古授三等輕車都尉世
職崇德中隨貝勒岳託征明至山東攻克濟南征
索倫部擒其部長博穆博果爾從圍錦州明援軍
次松山突騎劫紅衣礮力戰卻之復破其步卒三

營論功晉一等輕車都尉八年卒以兄子果勒沁襲果勒沁初任佐領崇德元年從

上征朝鮮偕侍衛二十人敗朝鮮兵於桃山村順治元年從入關累論功復遇

恩詔晉爵至二等男歷官至鑲白旗蒙古都統時明桂王朱由榔竄緬甸偽晉王李定國偽鞏昌王白文選分據孟艮木邦假擁戴由榔為名復集潰衆出掠

世祖命內大臣愛星阿為定西將軍進討而以果勒沁及

都統卓洛遜塔副之乃出騰越取道南甸隴川猛
卯次木邦偵知定國走景線而文選遁據錫箔江
果勒沁等簡精銳疾馳三百餘里至江濱文選已
毀橋遁走茶山遣總兵官馬寧追至猛養文選窮
蹙歸降大軍次舊挽坡緬人以由榔獻乃旋軍康
熙三年晉爵一等男兼一雲騎尉尋列議政大臣
八年改滿州都統九年二月卒

賜祭葬謚襄敏子鄂爾輝襲

古爾欽隸鑲白旗蒙古天聰六年來歸授三等叅
領世職崇德元年從征朝鮮敗敵於桃花村三年
隨貝勒岳託征明有功七年從圍錦州又敗洪承
疇三營兵加世職為一等叅領順治元年從入關
擊破流賊十七年征雲南獲桂王朱由榔前後論
功累加世職一等男官都統兼議政大臣九年卒

賜祭葬謚襄敏

雅穆蘇姓齊勒果特隸鑲白旗蒙古

國初來歸受為旗長天聰九年領哨卒巡沿海邊有
俘獲崇德八年隨征明山東攻濱州先登

賜號巴圖魯授佐領世職順治七年遇

恩詔加授世職騎都尉兼一雲騎尉

噶爾圖姓烏拉哈濟爾默隸鑲白旗蒙古崇德六
年圍明錦州城中兵出犯隨超哈爾擊敗之明松
山兵夜犯壕塹復擊却之順治元年從入關擊流
賊以步戰立功屢遇

恩詔授世職騎都尉

託克託輝姓談凱隸鑲白旗蒙古崇德六年征明
擊松山兵敗其衆掘壕圍之敵兵夜犯擊却之八
年隨征明山東凱旋出邊擊敗明總兵吳阿衡兵
順治元年隨破流賊於潼關追賊至西安殲其衆
叙功疊遇

恩詔加世職騎都尉兼一雲騎尉

巴雅爾姓哈爾濟諾特隸鑲白旗蒙古崇德八年

隨征明山東攻利津先登順治元年入關擊流賊
追至慶都大敗之以功加佐領世職四年卒同旗
有鄂思祜亦以從征松山等處有功授雲騎尉
扎努姓烏朗哈隸鑲白旗蒙古崇德八年隨征明
入邊屢敗明兵順治元年從入關敗流賊于慶都
三年隨豫親王多鐸追騰吉思擊敗土謝圖汗兵
叙功三遇

恩詔加世職一等輕車都尉

鑲紅旗蒙古

弼喇什姓博爾濟吉特初為蒙古喀喇沁部台吉
天聰二年來歸

太宗征察哈爾

召蒙古諸部各率其屬以從於是

駐蹕綽囉郭勒弼喇什隨其汗拉斯喀布來朝遂從擊察

哈爾敗之於錫爾哈錫伯圖俘獲甚衆復從貝勒
岳託征棟奎戰甚力追斬拜斯噶勒扎穆等百餘

人尋率所部來歸隸鑲紅旗蒙古尚多羅郡主崇
德元年叙功爵三等子世襲罔替順治三年從豫
親王多鐸追叛人騰吉斯等於喀爾喀道卒子多
爾濟襲

哲伸姓烏努瑚隸鑲紅旗蒙古從察哈爾來歸授
二等侍衛崇德元年隨征朝鮮乘船先渡朝鮮兵
乘大船用長鈎來挽我船哲伸射殪其持鈎兵二
人敵船奔潰我師遂渡海進擊朝鮮兵大敗之六

年隨征明松山屢戰有功順治元年入關擊流賊射殪賊渠六人二年隨征湖廣流賊一隻虎有功授騎都尉

額爾濟圖姓巴林隸鑲紅旗蒙古崇德三年隨征明山東攻海豐奮勇先登

賜號巴圖魯授佐領世職順治元年入關擊流賊復有功嗣遇

恩詔加世職一等輕車都尉

納爾泰姓巴林隸鑲紅旗蒙古崇德三年從征明
攻牆子嶺穴其城取之順治初屢遇

恩詔加世職二等輕車都尉

多羅伊姓翁果特隸鑲紅旗蒙古崇德六年圍明
錦州連擊敗杏山松山兵順治初加世職二等輕
車都尉

充吉爾姓伯蘇克隸鑲紅旗蒙古崇德六年隨圍
明錦州擊松山兵敗之八年從征寧遠城中兵出

犯復敗其衆順治初授佐領世職加一雲騎尉

鄂爾錦隸鑲紅旗蒙古崇德八年從征明山東攻

濮州先登

賜號巴圖魯授佐領

正藍旗蒙古

阿濟拜姓卓特隸正藍旗蒙古世居巴林初任佐

領天命三年大軍取撫順明將張承廕自廣寧來

援阿濟拜奮擊之承廕敗歿四年破明將杜松兵

於界藩七年從攻廣寧戰沙嶺並有功天聰三年
以叅領從入邊畧通州有斬獲進薄燕京擊明督
師袁崇煥兵於廣渠門外敗之九年偕護軍統領
布哈率八十人襲寧遠俘七人獲馬牛百四十有
奇明將以千騎追至布哈戰歿阿濟拜力郤敵衛
所俘獲以歸順治元年從入關敗流賊李自成尋
偕都統伊拜勦賊山西連破賊於澤州擢副都統
三年從肅親王豪格討流賊張獻忠過漢中與都

統巴哈納擊走叛鎮賀珍遂趨秦州偕尚書星訥
敗賊將高汝礪進擊獻忠於西充滅之先後叙功
並遇

恩詔晉世職至一等輕車都尉兼一雲騎尉九年卒

賜祭葬謚忠勤立碑墓道以其弟鄂兌襲

奇塔特徹爾貝姓哈爾圖特初為察哈爾部宰桑
天聰六年

太宗親征察哈爾其汗林丹驚遁所部皆潰散奇塔特徹

爾貝別率四百戶駐哈屯河尋渡河來歸隸正藍
旗蒙古崇德元年晉三等子三年從入青山口越
燕京畧山東四年從征寧遠以火器攻其城敵出
禦戰擊却之六年大軍圍錦州明總督洪承疇集
兵赴援營松山西北竒塔特徹爾貝率所部戰大
捷既而敵騎刦我巨礮馳擊之潰復破其步率三
營七年叙功晉二等子順治元年從入關追敗流
賊李自成於望都三年蘇尼特部騰吉思兄弟叛

奔喀爾喀竒塔特徹爾貝從豫親王多鐸往追之
行次英噶爾察克山聞騰吉思駐袞噶魯台遂兼
程疾進獲其孥於額克特山及喀爾喀部土謝圖
汗以衆二萬拒戰於扎濟布拉克竒塔特徹爾貝
擊敗之逐北三十餘里未幾碩雷汗以二萬衆至
復擊敗之四年叙功晉一等子九年予世襲十二
年如喀爾喀部宣

諭土謝圖汗車臣汗等皆輸誠款服受其盟辭而還康熙

三年卒

賜祭葬子鄂諾勒襲

布爾哈圖姓博爾濟吉特蒙古喀喇沁人初為其部貝勒天聰三年六月遣使納貢九月來朝十月

太宗親統大軍征明使布爾哈圖為嚮導以其前在喀喇

沁時曾往來明國習知關隘也入邊攻克龍井關

紅山口大安口諸城徇羅文峪下之留布爾哈圖

駐其地四年明副將丁啟明率兵三千來犯勒兵

邀擊之再戰陣擒啟明及游擊以下官三員斬獲
無算

賜號岱達爾漢五年

詔以貝勒阿巴泰女妻之征察哈爾率所部從尋挈人戶
來歸隸正藍旗蒙古崇德元年叙功授一等子爵
世襲罔替順治元年卒子班珠勒襲後遇

恩詔晉爵至一等伯

畢力克圖姓博爾濟吉特世居科爾沁

太宗時來歸隸正藍旗蒙古從征朝鮮及明錦州屢有斬
獲順治元年從豫親王多鐸追勦李自成於潼關
明年定西安移師拔揚州下江寧所至有功授騎
都尉世職累官副都統六年明大學士李建泰據
太平我大同總兵姜瓖叛應之乃駐防平陽敗賊
黨郭中傑於絳州又敗賊於張湖村七年進圍太
平逾六旬不下潛匿卒濠中穴地道以火藥轟其
城城毀遂擒李建泰及賊黨俱伏誅瓖勢乃孤八

年還京兼任禮部左侍郎屢加世職至一等輕車都尉十一年從靖南將軍珠瑪喇征廣東破偽晉王李定國兵於新會乘勝追至興業偽都督吳三省偽總兵楊成王三才以步卒千餘拒戰斬殺過半進抵橫州定國渡江遠竄凱旋叙功晉三等男十三年司權員外郎朱世德虧帑誤援

恩詔議免坐草侍郎任降世職二等十七年署護軍統由榔竄緬甸李定國與其黨白文選等分踞孟艮木

邦十八年我師會於木邦定國走景線文選遁據
錫箔江濱我師至毀橋遁畢力克圖至江岸獲其
諜者遂結筏渡江次舊挽坡距緬城六十里而軍
分兵進駐蘭鳩江緬人以由榔獻我總兵官馬寧
追及白文選於猛養文選降乃旋師康熙元年叙
功晉世職為一等輕車都尉兼一雲騎尉八年擢
都統列議政大臣十二年加太子少師十四年平
涼總兵王輔臣叛附逆藩吳三桂肆掠陝西郡邑

乃授平逆將軍帥師駐大同尋延安綏德皆陷賊
遂移駐榆林勒軍為三隊疾擊賊於楊家店渡口
復吳堡進師虎爾崖口擊走偽總兵朱龍等綏德
平賊將李士英棄延安遁遣副都統覺和託追擊
至宜川俘斬無算分兵徇保安塞宜川延長安
定諸縣皆復之移師會揚威將軍阿密達征平涼
將至輔臣驅賊萬餘迎戰畢力克圖督兵合擊陣
斬偽總兵郝天祥復

命撫遠大將軍圖海至師輔臣降畢里克圖移駐寶雞勦

撫餘賊招降叅將李天秀等三十一員復靈臺華

亭崇信諸縣屢破賊於蟠龍山顯義關尋復成縣

招降偽副將王光生等十九員與將軍王進寶定

漢中凱旋仍任都統二十年卒年七十有三

賜祭葬謚恪僖孫常遠襲二十五年追叙平陝西功晉二

等男世襲

蒙格圖隸正藍旗蒙古初任佐領崇德三年隨貝

勒岳託證明敗明兵於河西務七年明經畧洪承
疇率三營兵來援復隨大軍破之論功得優叙順
治元年入關擊流寇復有功加授佐領世職官副
都統卒

巴布海姓巴魯特隸正藍旗蒙古崇德三年隨征
明至真定攻饒陽先登

賜號巴圖魯授佐領世職七年復隨征山東敗明總兵吳
三桂軍順治二年南征至江南敗偽總兵黃蜚等

軍三年隨征四川敗流賊張獻忠論功累加世職
一等輕車都尉

鄂梅隸正藍旗蒙古崇德三年從征明山東攻齊
河以第一人登順治初從擊流寇復有功加佐領
世職

桃梅隸正藍旗蒙古崇德三年隨征明山東敗明
太監馮起潛軍六年我師圍錦州敗敵兵於松山
順治初累加至三等輕車都尉

恩格森姓枕阿塔隸正藍旗蒙古崇德五年隨征
明擊松山兵敗之六年我師圍錦州同擊敗明經
畧洪承疇三營步兵順治初以平寇功累加世職
騎都尉兼一雲騎尉

納爾德姓卓特隸正藍旗蒙古崇德六年隨圍錦
州率所屬甲士敗敵於山嘴又敗其馬步軍八年
隨征明敗明兵於安肅三河等處順治二年追破
流寇於潼關我師渡關為殿賊騎兵犯我者三皆

擊敗之六年南征杭州有克捷叙功屢遇

恩詔加世職騎都尉

瑚班姓齊默斯隸正藍旗蒙古崇德八年隨征明

山東攻恩縣先登順治初遇

恩詔加世職三等輕車都尉同旗有喜福亦以证明先登

克南和得優叙

鑲藍旗蒙古

幹都先世自葉赫遷巴林因以巴林為氏

太祖時來歸授佐領隸鑲藍旗蒙古天聰元年從征寧遠
擊敗明兵於城北山岡三年從攻大安口復擊敗
明兵於玉田明年大軍自遵化出邊幹都為殿累
加世職為二等輕車都尉崇德中任兵部理事官
從貝勒岳託證明擊敗明總兵祖大壽太監高起
潛軍進趨山東攻克濟南城師還取道蠡縣復克
其城從征瑚爾哈部擊索倫兵於掛拉爾屯馘二
百三十人以歸大軍圍錦州明總督洪承疇援駐

松山屢以步騎來犯幹都皆擊敗之恭順王孔有德長史徐勝芳陷於陣幹都突騎援之出順治元年從入關隨豫親王多鐸克潼關取西安二年移師下江南取宜興崑山二縣三年從端重親王博洛平浙江追勦明總兵方國安於黃巖環城以困之偵賊勢既蹙撤圍一面縱其出擊之賊皆潰城遂拔大軍進征福建幹都先衆攻克分水關追勦明唐王朱聿鍵於汀州招降漳州府及漳平縣五

年征南大將軍譚泰討叛鎮金聲桓於江西幹都為前鋒尋以疾卒於軍幹都前後論功遇

恩詔晉爵二等男子武山布襲

圖瞻隸鑲藍旗蒙古自巴岳特率族來歸

太祖以貝勒女妻之崇德七年圍錦州明松山兵來犯擊

敗之又敗明經畧洪承疇兵及松山後崖兵順治

元年隨入關擊流賊有功累加世職騎都尉兼一

雲騎尉

托克托爾姓台綽隸鑲藍旗蒙古

國初來歸時方以蒙古分隸八旗每旗設佐領五因
即令管一佐領事天命十一年貝勒代善攻囊努
克以托克托爾為嚮道取之論功授備禦世職順
治初論平流寇功七年復遇

恩詔加世職騎都尉兼一雲騎尉

綽通姓傳蘇特隸鑲藍旗蒙古初從征庫特塔布
囊有斬獲天聰二年從征大凌河六年從征察哈

爾皆屢立戰功授佐領世職十二年卒

叟什姓瑚拉巴思隸鑲藍旗蒙古崇德時從征明
攻清豐先登克之

賜號巴圖魯授佐領世職

蒙格姓烏朗哈濟拉默隸鑲藍旗蒙古

太宗時同兄額色宜自巴林率族來歸從征額赫庫倫等
處多俘獲崇德三年復以從征明有功加佐領世
職

桑格姓巴林隸鑲藍旗蒙古從父康喀自蒙古來
歸崇德五年從圍錦州積功加世職三等參領

烏巴哩善進姓噶必齊克隸鑲藍旗蒙古崇德時
從征明張家口有功加世職三等參領同旗有鐸
魯伊姓翁果特崇德八年征征錦州以軍功得優
叙順治初遇

恩詔加世職二等輕車都尉

色塞姓阿勒特隸鑲藍旗蒙古崇德五年隨圍錦

州擊松山杏山兵敗之七年我師復圍錦州有敵
兵來犯射殪其前鋒順治初授世職騎都尉兼一

雲騎尉

允錦爾姓博蘇特崇德時以從征錦州等處有功
授佐領順治十年復以從征廣東湖廣積功加世
職三等子

欽定盛京通志卷七十六